



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCLIII. Rectam Intentionem commendat.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

MEDITATIO CCLIII.

Rectam Intentionem commendat.

Matth. 6.

PUNCTUM I. *Attendite, ne Iustitiam vestram faciatis coram hominibus, ut videamini ab eis: alioquin mercedem non habebitis apud Patrem vestrum, qui in Cælis est. Cum ergo facis Eleemosynam, noli tubã canere ante te, sicut Hypocritæ faciunt in Synagogis, & in vicis, ut honorificentur ab hominibus. Amen dico vobis: receperunt mercedem suam. Te autem faciente Eleemosynam, nesciat sinistra tua, quid faciat dextera tua: ut sit Eleemosyna tua in abscondito; & Pater tuus, qui videt in abscondito, reddet tibi. Et cum oratis, non eritis, sicut Hypocritæ, qui amant in Synagogis, & in angulis platearum stantes orare, ut videantur ab hominibus. Amen dico vobis, receperunt mercedem suam. Tu autem cum oraveris, intra in cubiculum tuum, & clauso ostio ora Patrem tuum in abscondito: & Pater tuus, qui videt in abscondito, reddet tibi. Matth. 6. v. 1. Cum autem jejunatis, nolite fieri, sicut Hypocritæ tristes: exterminant enim facies suas, ut appareant hominibus jejunantes. Amen dico vobis; quia receperunt mercedem suam. Tu autem cum jejunas, unge caput tuum, & faciem tuam lava; ne videaris hominibus jejunans, sed Patri tuo, qui est in abscondito; & Pater tuus, qui videt in abscondito, reddet tibi. Matth. à v. 16. Cum Perfectio Evangelica non tantum consistat in evitandis peccatis, sed etiam in præstandis bonis Operibus, ideo hîc Christus tradit modum, quo præstanda sunt bona opera, & prædictis verbis docet, primam conditionem esse, ut nec alijs,*

nec

nec nobis ipsis per ea intendamus placere: sed ut
omnia Opera bona (quæ ad triplex prædictum genus
revocari possunt) si de se publica non sint, de quibus
suprà Matth. 5. v. 14. dictum est: *Sic luceat Lux vestra
ut videant Opera vestra bona, & glorificent Patrem vestrum
qui in Cælis est*: quantum in nobis est, coram alijs oc-
cultemus, imò etiam coram nobis, in ea nos per il-
lorum æstimationem & memoriam non reflectendo
ut nesciat sinistra manus, quid faciat dextera. Satis
enim nobis debet esse, quòd à DEO in abscondito vi-
deamur, ipsique placeamus, & quòd æternum & im-
mensum Præmium ab illo recipiamus, alioquin epu-
jacturam passuri, inani apud homines gloriâ pro
dem acceptâ. Quia verò valde periculòsum est,
hujusmodi vanæ gloriæ intentione, per inadverten-
tiam subrepente, opera præstita Justitiæ honestatem
corrumpant, & nos Præmium Cæleste perdamus
ideo Christus dixit: *Attendite.*

PUNCT. II. *Nolite thesaurizare vobis thesauros in
terra: ubi arugo & tinea demolitur: & ubi fures effodiunt
& furantur: thesaurizate autem vobis thesauros in Cælo
ubi neque tinea, neque arugo demolitur, & ubi fures non
effodiunt, nec furantur.* Matth. 6. à v. 19. Confirmat
Christus nova ratione, quare terrenæ laudis, hono-
ris, & gloriæ thesauros per Opera bona congregari
nobis non debeamus: quia brevis, & æruginosa ho-
minum memoria, seu potius oblivio, & edax fluxus
temporis tinea illos demolitur, & fures detractorum
suis linguis furantur. Quæ incommoda cum procul
absint à Cælo, ideo ad Cælestes thesauros unice qua-
rendos, ac per bona Opera multiplicandos, & augen-
dos hortatur.

PUNCT. III

PUNCT. III. *Lucerna corporis tui, est oculus tuus.*
Si oculus tuus fuerit simplex, totum corpus tuum lucidum erit. Si autem oculus tuus fuerit nequam: totum corpus tuum tenebrosum erit. Si ergo lumen, quod in te est, tenebrae sunt; ipsae tenebrae quantae erunt? à v. 22. His verbis alteram Christus conditionem Boni operis indicat: nempe ut Intentio nostra sit simplicissima, unicè ad Divinum Beneplacitum ordinata: nisi autem talis sit, hoc ipso à Christo jam dicitur: *Oculus nequam.* Qui enim præter DEI Beneplacitum aliud quidpiam intendit, ignominiam facit DEO; quia nec DEVS ipsi sufficit, nec Præmium ab ipso conferendum; & ideo opus suum tenebrosum, id est, Honestatis luce destitutum reddit. Cùm ergo per opera mala DEVM quotidie offendas, & per Opera bona pro malis satisfacere debeas, attende, ne ipsa Opera bona sint mala. Quia verò hoc valde frequenter contingit, ideo etiam si multa Opera bona tibi videaris fecisse, te humilia, & time, cum Isaia c. 64. v. 6. dicens: *Facti sumus, ut immundus, omnes nos, & quasi pannus menstruata universa iustitia nostra.*

MEDITATIO CCLIV.

Modum Orandi exponit.

Matth. 6. v. 7. Luc. 11. v. 1.

PUNCTUM I. Postquam Christus docuit Discipulos & turbam præsentem in monte, quomodo Oratio & cetera bona Opera occultè, non autem ex intentione vanæ gloriæ apud homines sibi comparanda,